

կող նորա հերձեալ ջուր և արիւն ըզմեզ նորոգեալ,
Եօթն անգամ ձայն ածեալ որ զԷթեանց կենցաղս յաւրինեալ:

- Խ. — Ահեղն աստուած մարդ եղեալ նմա պարտէր զայս ներգործել,
Արեամբն աստուծոյ ըզմեզ ի մեղաց սրբել և ազատել,
Զմարդիկը մահու գրաւել ի յերկինս և ի զկեանս հրաւիրել,
Հրեշտակաց ընկեր առնել զնա աւրհնել և փառաւորել:
- ԽԱ. — Զարեւն ի յերկինս մայ և լուսոյն նա զարդ չու արայ,
Որպէս որ ճարակ չկայ ի նիւթոյն լոյսն որ հեռանայ:
Յորժամ արեւն երթայ լոյսն անճառ աղբիւր ցոլանայ,
Հուրն և ճառագայթն և նիւթն միացեալ որ երկու չէ նայ:
- ԽԲ. — Այսպէս ի քրիստոս ասայ դաւանումն է սիրտ հաւատա,
Եւ մի լինիցիս թերի դու տրդա տխմար և անխմայ:
Ստեղծող է քրիստոս և լոյս և աշխարհիս տէր անտարակոյս,
Հոգի ու մարմին ու միտք որ եղեւ փրկիչ զերելոյս:
Թէ չէր միացեալ հողոյս ընդ բանին աստուած մեռելոյս,
Ապայ զկապանն ով լուծէր երբ չկայր մեզ ելնելու յոյս:
- ԽԳ. — Արիք ի ծովափք իջնանք ու ձկներ բռնենք վարբով,
Անուռնք և ի տուն տանենք խորովենք զինքն կրակով:
Զկնիկն ընդ իս էնց ասաց թէ լցաւ սրտիկս արիւնով,
Երբ ես յարեւէս ելայ թող ցամքի զինչ գետ կա ու ծով¹:
- ԽԴ. — Զինչ որ ես հետ ինձ արի չէ արել այլ աղամորդի,
Որ շիշ մի հալած ոսկի ի գետինն ի վայր թափեցի:
Հազար ձի վազան բերի վազցուցի մէկ չի հասուցի,
Ինչ շահ է յետին խելացս երբ առջին անուռն աւերի²:
- ԽԵ. — Շատ թագաւորաց մեծաց և իմաստուն արանց լսեցի,
Յայն չափ չի կշտանայ մարդն աստընւորովս մինչ որ մեռանի:
Տանին գերեզման դնեն հողով իւր աչքն լըցըլի,
Ապա իւր լեզուովն ասէ թէ հերիք է այլ չի պիտի:
- ԽԶ. — Իմ սիրտ վատին մի լսեր ու չարին տեղ իսկի մի տար,
Յայստընւորիս վերայ վատն իսկի մարդոյն չի մնար:
Այն մարդն որ ինքն վատ առնէ հանդիպի վատի մի նա այլ,
Ու զինչ որ ունի ամալ զայ ի յոտքն փաթթի նայ այլ:

1. Ն. Ք. Գիւան Թիւ ԼԵ. Այս քառեակը կը տարբերի Պ. Զօպանեանի օրինակէն, նաեւ թիւ 241 ծանօթութեան մէջ հրատարակուածն որ աւելի մօտ է իմինիս:

2. Ն. Ք. Գիւան Թիւ ԼԵ. Այս տաղին սկիզբի տողը նման է իմինիս, իսկ մնացեալները՝

Որ շիշ մի զալաս ոսկի ի գետինն ի վայր վաթեցի,
Հազար ձի վազան բերի, վազցուցի, այլ ոչ հասուցի,
Յետի իսկիքն ես ինչ ամեմ երբ առջի ամուռն աւերի:

Նոյնին երեք փոփոխակները հրատարակուած, անդ ծան. թ. 243: Այս քառեակներն անշուշտ սխալմամբ նուիրուած են Պլուզի, Ֆրիկի և ուրիշներու: Նման սխալ հեղինակութիւններ բազմիցս և ամէն տեղ կայ մեր մասեւնագրութեան և տաղասացութեան մէջ: